



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IMENOVANJU ČLANOVA KOMISIJE ZA DODJELU U ZAKUP
POSLOVNIH ZGRADA I PROSTORIJA GRADA SARAJEVA
ZA MANDATNI PERIOD GRADSKOG VIJEĆA GRADA SARAJEVA
(prijedlog)

Predlagač:
Administrativna komisija

Obrađivač:
Stručna služba za poslove Gradskog vijeća

Sarajevo, juni, 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 31. stav 1. tačka b) Statuta Grada Sarajeva („Službene novine Kantona Sarajevo“, broj 7/23) i člana 7., a u vezi sa članom 8. i 9. Odluke o dodjeli u zakup poslovnih zgrada i prostorija Grada Sarajeva („Službene novine Kantona Sarajevo“, broj 22/23), Gradsko vijeće Grada Sarajeva, na __sjednici održanoj dana __. __.2023. godine, donijelo je

(*prijedlog*)

ODLUKA

*o imenovanju članova Komisije za dodjelu u zakup poslovnih zgrada i prostorija
Grada Sarajeva
za mandatni period Gradskog vijeća Grada Sarajeva*

Član 1. (Imenovanje Komisije)

Imenuje se Komisija za dodjelu u zakup poslovnih zgrada i prostorija Grada Sarajeva za mandatni period Gradskog vijeća Grada Sarajeva (u daljem tekstu: Komisija) u sljedećem sastavu:

1. Toni Vukadin, *predsjednik Komisije*
2. Seid Škaljić, *zamjenik predsjednika Komisije*
3. Sabina Hadžiahmetović, *članica*
4. Tarik Zečić, *član*
5. Lejla Šiljević, *članica*

Član 2. (Zaduženja Komisije)

Mandat Komisije je da pripremi tekst javnog oglasa za dodjelu u zakup poslovnih prostora u skladu sa zakonom i Odlukom, provede postupak otvaranja pristiglih ponuda, razmotri pristigle ponude, razmotri zahtjeve za dodjelu u zakup poslovnih prostorija i garaža neposrednom pogodbom po osnovu prava prvenstva, sačini zapisnik o ocjeni prijave i o rezultatima javnog oglasa, kao i da obavlja sve druge poslove i zaduženja koja su joj propisana temeljem važeće Odluke o dodjeli u zakup poslovnih zgrada i prostorija Grada Sarajeva.

Član 3. (Naknada za rad Komisije)

Članovi Komisije nemaju pravo na naknadu za svoj rad u Komisiji.



Član 4.
(Obaveza izvještavanja Gradskog vijeća o radu Komisije)

Članovi Komisije su odgovorni za svoj rad Gradskom vijeću Grada Sarajeva i dužni su da o svom radu podnesu izvještaj Gradskom vijeću Grada Sarajeva najkasnije na decembarskoj sjednici svake kalendarske godine za vrijeme trajanja mandata.

Član 5.
(Stupanje na snagu)

Ova odluka stupa na snagu osmog dana od dana objavljivanja u “Službenim novinama Kantona Sarajevo”.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo,



OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbama člana 31. stav 1. tačka b) Statuta Grada Sarajeva („Službene novine Kantona Sarajevo“, broj 7/23), kojim je, između ostalog propisano da Gradsko vijeće Grada Sarajeva donosi odluke i članu 7. Odluke o dodjeli u zakup poslovnih zgrada i prostorija Grada Sarajeva („Službene novine Kantona Sarajevo“, broj 22/23), koji propisuje da postupak dodjele u zakup poslovnih prostorija i garaža provodi Komisija za dodjelu u zakup poslovnih zgrada i prostorija koju imenuje Gradsko vijeće Grada Sarajeva na prijedlog Administrativne komisije Gradskog vijeća Grada Sarajeva i to tako da temeljem člana 8. Odluke broji pet članova, i to tri državna službenika na prijedlog Gradonačelnice i dva člana predstavnika Gradskog vijeća Grada Sarajeva. Mandat, naknada i zaduženja Komisije su regulirana članovima 8. i 9. citirane odluke.

RAZLOZI DONOŠENJA

Stupanjem na snagu Odluke o dodjeli u zakup poslovnih zgrada i prostorija Grada Sarajeva („Službene novine Kantona Sarajevo“, broj 22/23) stvorili su se uvjeti, ali i obaveza Gradskog vijeća za imenovanjem Komisije za dodjelu u zakup poslovnih zgrada i prostorija Grada Sarajeva za mandatni period Gradskog vijeća Grada Sarajeva, a kako bi ista mogla da provodi postupak dodjela i time svoja zaduženja.

RJEŠENJA IZ PRIJEDLOGA

U članu 1. Prijedloga Odluke pristupilo se imenovanju članova Komisije za dodjelu u zakup poslovnih zgrada i prostorija Grada Sarajeva za mandatni period Gradskog vijeća Grada Sarajeva na način kako to propisuje Odluka o dodjeli u zakup poslovnih zgrada i prostorija Grada Sarajeva („Službene novine Kantona Sarajevo“, broj 22/23).

U članu 2. Prijedloga Odluke, utvrđena su zaduženja Komisije za dodjelu u zakup poslovnih zgrada i prostorija Grada Sarajeva, a koja proizilaze iz samog teksta Odluke o dodjeli u zakup poslovnih zgrada i prostorija Grada Sarajeva („Službene novine Kantona Sarajevo“, broj 22/23).

U članu 3. Prijedloga Odluke, reguliralo se pitanje naknade članovima Komisije u skladu sa odredbama Odluke o dodjeli u zakup poslovnih zgrada i prostorija Grada Sarajeva („Službene novine Kantona Sarajevo“, broj 22/23).

U članu 4. Prijedloga Odluke, propisana je obaveza Komisije za dodjelu u zakup poslovnih zgrada i prostorija Grada Sarajeva da za svoj rad odgovaraju Gradskom vijeću Grada Sarajeva i time podnose godišnji izvještaj.

FINANSIJSKA SREDSTVA

Za realizaciju ove odluke potrebna su finansijska sredstva u dijelu koji se odnosi na troškove objave javnog oglasa.

